



Kōttōpar eo ñan Riit

Jān Chelsea Mortensen
(Pedped ion juon bwebwenato emꝑool)

Bwebwenato in ekar bōk jikin ilo USA.

Anders eaar roñjake an leddik eo jein riit ilo iien ekkatak jeje ko rekwojarjar an baamle. Eaar kajjioñ joore ilo tablet eo an. Bōtaab ekar pen ñan mije naan ko.

Ekar baj wōt pen an Anders riit. Iiō eo ļok, eaar jeļā ke ewōr an Dyslexia kar juon mōjñe eo me ekōmjan bwe en pen riit. Kōmālij eo an ej kōkārereik naan im leta ko, im mejen ej reito reitak ilo peij eo ñe ej kajjioñ riit.

Ej mōj an leddik eo jein riiti eoon eo an, im Jaddik eo jein ekar riiti eo juon. Ak Anders ekar jab riit. Ejjab emjan ippān riiti ilo ainikien eļļaj. Kakilep naan ko ilo tablet eo an ekar jipañ. Ak ekar dike an

raaļok im kaipokpok an riit. Eaar kōmjan bujin bōd. Eaar aiku in jerbāl eļarļok ñan juon men me āinwōt epidodo ñan ro jet.

Ke ej mōj aer riit, baamle eo an Anders rekar alooje juon pija. Ej kōn būrookraamj eo an Ajri ro im Jodikdik ro.

“Karōk kōttōbar ko amj me enaaj kaddōkļok im kapañ kwe,” Elder Gong ekar ba ilo pija in. “Kappukōt jeļā ko rekāāl, kōnaan, im kapāāl ko.”*

Anders eaar kōļmenļokjeñ kōn kōttōpar eo emaroñ karōk e. Bōlen emaroñ ekkatak kilen kōmat kukij. Ak emjanļok an ikkure soccer.

*Face to Face ippān Elder Gerritt W. Gong (diwojļok ilo aolepen lajin, Nov. 17, 2019), Gospel Library.

Innām eaar reilok ñan Bok in Mormon eo ion tebōļ eo. Jeļā ļok riit ekar jab juon kōttōpar eo āinwōt enkar limo. Ak ekar kōnaan bwe en maroñ riiti jeje ko rekwojarjar ippān baamle eo an.

“Ijeļā ta eo ikōnaan bwe en aō kōttōpar,” eaar jiroñ jemān.

“Ta ñe?” Jemān ekar kajitōk

Anders eaar jibwetok Bok in Mormon eo. “Ikōnaan riiti juon eoon ilo Bok in Mormon ilo juon ainikien eļļaj aolep raan.”

“Ej juon kōttōpar emjan,” Baba eaar ba. “Ñāāt kokōnaan jinoe?”

“Kiiō!”

Anders eaar etal ñan ruumj eo an im kilōke kōjem eo. Eaar jab kōnaan bwe ren roñ ainikien. Innām ekar kōpeļļok Bok in Mormon eo an. Eaar kabōd jet iaan naan ko, ak ekar bōk wōt juon minit ñan riiti eoon eo jinoin. *Ekar jab lukkuun nana*, eaar ļomņak.

Aolep raan Anders ej riiti juon eoon. Ekar pen! Ekar jab eñjake an emjanļok, barāinwōt. Ak ekar jerbale wōt.

Innām juon raan ilo jikuuļ, rikaki eo an ear ba, “Wow! Ijjab tōmak kōn mōkaj in am ekkatak.”

Anders eaar reilōñļok jān homework eo an. “Mool ke?”

Liin ekar emajidjid. “Eļarļok am emjanļok.”

Anders eaar reilaļļok ñan naan ko ilo pepa eo an. Rekar pidodoļok ñan riiti jān kar mōkta. Kōttōpar eo an ñan riiti jeje ko rekwojarjar ekar bar jipañ e ekkatak ilo jikuuļ.

Ke eaar rooltok ñan mjeo, eaar ettōr lōñļok ñan riiti jeje ko rekwojarjar. Ke ej kalimjōk peij eo, naan ko raar kaipokpok wōt. Ak ekar pidodo lak jeļā ta ko rej ba.

Anders ekar mōññe kōn iien an baamle eo ekkatak jān jeje ko rekwojarjar joteen eo.

“Baba, aa,” eaar ba. “Imaroñ ke jipañ eok riit rainin?”

Baba eaar ettōñ dikdik. “Emjan ippa!”

Anders eaar anōk wōt ilo an būratōr im sister eo an kajjojo riit eoon. Ke ej iien eo an, eaar jidik jidik riiti eoon eo ñan lukkun lale bwe en jejjōt aolep naan. Ālkin an mōj an riit, eaar reilōñļok. Aolep rekar ettōñdikdik ñan e.

Jekdoon ñe ejjab juon ririt eo emōkade, Anders eaar mōññe kōn e make. Eaar jeļā bwe ñe ej ļar an jerbāl, Jemedwōj Ilañ enaaj pād ijo ñan jipañ e aolep iien. ●



KOMELEE KO JĀN KELLY SMITH